

# Kouland 2

## Episode 10: Suikerstrooitjie

**Kerngedagte :** Ons blok ons eie lewens met sondes en gewoontes wat in ons pad staan van 'n lewe in Christus. Dit is eers wanneer ons vir Jesus hierdie dinge gee, wat Hy dit uit ons lewens kan sny en vir ons genees van hierdie dinge. Dit is juis deur Sy wonde wat ons genesing kan ervaar.

**Doelwit :** Kinders gaan nadink oor die kerngedagtes van al die lesse wat ons sovêr gedoen het. Hulle gaan dan dinge identifiseer in hul eie lewens wat hul nog nie oorgegee het aan Jesus nie.

**Sluiteltekst:** 1 Petrus 2:24



Daar is sekere dinge in hierdie lewe wat onverklaarbaar is. Jy het 'n skêr nodig om 'n skêr uit sy verpakking te sny. 'n Mens het werkservaring nodig om 'n werk te kry. Hoe meer mens wil kou aan 'n suikerstrooitjie lekker, hoe meer gaan jy die suiker blokkeer om uit te kom.

Hierdie is nou wel klein probleme in vergelyking met die groot blokkasie wat ons in ons eie siele veroorsaak. Elkeen van ons het foute, sonde en gewoontes wat ons laat struikel. Geen mens kan dit ontduik nie. Ons is eenvoudig gestel, sondige wesens wat nie uit ons eie uit kan wegkom van ons sonde nie. Ironies genoeg, sondig ons net meer wanneer ons dink dat ons sonder sonde is. Daar is net een manier om van ons sondes, foute en slegte gewoontes af weg te kom. Dit is eers wanneer 'n mens oorgee aan Jesus en toelaat dat daardie dinge juis die spykers word wat Hom aan die kruis vasgehou het, wat ons werklik genesing ervaar.

Daar is verskeie redes waarom mense nie met hul foute en sonde na Jesus toe wil gaan nie. Soms is ons blind vir ons eie foute en wil net verby dit leef. Ander kere is ons te skaam om dit eers met Jesus te deel. Daar is ook mense wat genesing gaan soek op verskillende plekke in die wêreld. Mense wat hulself verloor in dinge van hierdie lewe net om te vergeet van die letsels wat ons foute in ons lewens agterlaat.

Wanneer ons so styf vasklou aan hierdie sondes en gewoontes, is ons meer afgesêel as 'n suikerstrooitjie lekkergoed. 'n Suikerstrooitjie wat nie oopgemaak is nie kan nie geniet of gedeel word nie. Al die suiker lê gereed om geniet te word, maar 'n mens moet eers die geseëldes af sny.

Begin vandag al met 'n in diepte ondersoek oor die dinge in jou lewe wat jou afseël van die lewe in Christus. Ons het gedurende ons kuiers in Kouland na verskillende gewoontes en lewenswyses gekyk wat jou miskien laat dink het oor jou eie lewe. Miskien het dit tyd geword om hierdie dinge ook met Jesus te deel. Laat Hom toe om daardie dinge uit jou lewe te sny en jou te genees daarvan. Jesus het reeds die prys betaal om jou 'n lewe te gun waar jy nie hoef te struikel oor jou sondes, foute of verlede nie. Hierdie dinge is juis wat vir Jesus aan die kruis gehou het uit Sy groot liefde vir jou. 1 Petrus 2:24 getuig dat ons juis genesing sal vind deur die wonde van ons Jesus. Glo jy dit werklik? Het jy al jou "dinge" voor Sy voete kom sit en Hom toegelaat om die sondeseëls uit jou lewe te sny?

In Kouland het ons geleer dat 'n mens moet dophou as jy lekkergoed eet. Te veel lekkergoed kan maklik maak dat jy suikersnuffels kry. So tipe iets gebeur ook met jou, as jy so styf aan jou gewoontes, sondes, foute of verlede vashou. Vandag vier ons dat ons nie ingeseël hoef te bly tussen hierdie foute en sonde nie. Jesus het dit moontlik gemaak dat daardie dinge uit ons lewens gesny kan word. Deur Sy wonde het ons werklik genesing ontvang. Mag niks ons ooit weer blok of keer om hierdie soet boodskap te gaan deel in 'n wêreld wat ingeseël is in sonde nie!

# Aktiwiteit 1 - Sondedeëls soos 'n Suikerstrooitjie

Ysbreker:

1. Deel vir elke kind 'n suikerstrooitjie uit. **Sê die volgende in jou eie woorde:** Wat keer dat die suiker binne-in hierdie strooitjie geëet kan word? Hoe kan 'n mens hierdie seëltjies wegkry om die suiker uit te kry?
2. Sny die seël van die strooitjie af. **Sê die volgende in jou eie woorde:** Baie keer gebeur dit dat mense se foute ook soos hierdie seëltjies raak wat aan al twee kante van die strooitjie is. Ons sonde en foute maak ons harte hard. Dit keer ons om Jesus se liefde in ons lewe raak te sien EN dit keer ons om Jesus se liefde te gaan uitdeel vir ander. Amper soos wat hier die suiker in of uit die strooitjie kan gaan nie met die seël wat keer nie. Die enigste manier om hierdie seël weg te kry is om dit af te sny. As sonde ook soos hierdie harde seëls is, moet daar seker ook 'n manier wees om ons sonde uit ons lewe te kry. Kom ons gaan lees die raad wat 1Petrus 2:24 gee.

## Gaan lees 1 Petrus 2:24

3. **Sê in jou eie woorde:** In hierdie stukkie lees ons dat Jesus ons sonde, ons foute, hierdie klipharde sonde seëls op Sy eie lyf gedra het aan die kruis. Kom julle agter dat ons sonde eintlik die spykers was wat Hom aan die kruis vasgehou het en dat Hy daar gebly het omdat Hy lief was vir ons. Hy wou graag hê dat ons 'n lewe moet kan leef waar ons sonde ons nie kan keer om Sy liefde in ons lewe te kry en te kan uitdeel nie. Kom julle agter dat hierdie stukkie nie sê dat Jesus dit nog sal dra nie. Nee Hy het dit KLAAR gedra. Hy het KLAAR betaal vir jou sonde.
4. **Sê in jou eie woorde:** In Kouland het ons geleer dat 'n mens moet dophou as jy lekkergoed eet. Te veel lekkergoed kan maklik maak dat jy suikersnuffels kry. So tipe iets gebeur ook met jou, as jy so styf aan jou gewoontes, sondes, foute of verlede vashou. Vandag vier ons dat ons nie ingeseël hoef te bly tussen hierdie foute en sonde nie. Jesus het dit moontlik gemaak dat daardie dinge uit ons lewens gesny kan word. Deur Sy wonde het ons werklik genesing ontvang. Mag niks ons ooit weer blok of keer om hierdie soet boodskap te gaan deel in 'n wêreld wat ingeseël is in sonde nie!

### **Kom ons gesels bietjie oor al die lesse wat ons in Kouland geleer het:**

Deel vir elke kind 'n aktiwiteitsvel uit waar die lesse uit Kouland opgesom is. Gaan dit saam deur en gesels oor elkeen van die lesse. Laat die kinder toe om te deel wat hulle geleer het uit die lesse. Skep 'n omgewing in jou klas waar kinders werklik kan dink oor wat hulle geleer het. Verduidelik vir die kinders dat daar genoeg tyd sal oor wees na die aktiwiteite om vakansieplanne en grappe te deel. Dit is belangrik om elke maat in die klas kans te gee om te dink oor die dinge wat ons oor gesels.

Liefste Kou koubouter, soos jy al te goed dan weet, 'n mens kry suikersnuffels as jy te veel lekkers eet. So tipe iets gebeur dan ook met jou, wanneer jy te styf aan jou gewoontes vashou, so hier is al die lesse uit Kouland, spesiaal net vir JOU.

|                         |                                                                                                                                                                                                                                                                                                                                                                                                                 |
|-------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Suikerboontjie</b>   | Al is dit in 'n boontjie vorm, is suikerboontjies nie gesond vir jou nie, al wil jy dit glo. Miskien glo jy dat jou foute nie so erg is nie. Miskien sien jy nie eers jou foute raak nie.. Gee dit vir Jesus, dat Hy dit uit jou lewe sny en vir jou die lewe in oorvloed gee.                                                                                                                                  |
| <b>Suurwurm</b>         | Miskien is jy iemand wat met 'n suur hart rondloop. Daar het al so baie slegte dinge gebeur dat jou hart suur is. Vriende, as jou hart al suur geword het van al die slegte goed wat gebeur – Gee dit vir Jesus dat Hy dit uit jou lewe sny. Hy sal vir jou 'n soet hart gee selfs al gebeur slegte dinge, want as jy Hom toelaat is Hy by jou en in jou.                                                       |
| <b>Malvalekker</b>      | Net soos daai een malva lekker te veel jou heeltiemal naar maak, is jy dalk iemand wat so baie dinge aanpak dat jy somer uitbrand. Jy wil jou eie lewe bestuur in plaas van om vir God te vra om beheer te vat. Jy voel dan maklik of alles te veel vir jou raak. As jy sukkel om beheer te gee vir Jesus, deel dit met Hom. Laat Hom toe om dit uit jou lewe te sny, sodat jy kan leef soos Hy wil hê jy moet. |
| <b>Suigstokkie</b>      | Miskien is jy iemand wat sukkel om besluite te neem. Jy wag tot ander die besluite maak en dan kan jy hulle blameer as daar iets fout gaan. Jy draai jouself toe in verskonings om die iets te doen nie. Vriende, as dit jy is, wil jy nie jou verskonings vir Jesus gee nie. Laat Hom toe om dit uit jou lewe uit te sny, sodat jy sonder verskonings kan voluit leef vir Hom.                                 |
| <b>Jellie mannetjie</b> | Miskien is jy iemand wat sukkel om te aanvaar wie jy is. Vriend, jy is gemaak na die Here se smaak om ander met Sy liefde te raak. As jy heeltyd wil wees soos ander- wil jy nie by Jesus se voete gaan sit en Hom vra om dit uit jou lewe te sny nie. Vra vir Hom om jou lewe vol te maak van wie Hy is sodat jy kan uitgaan en in jou eie geur leef.                                                          |
| <b>Reënboog mat</b>     | Miskien het jy 'n vloerlappie vir ander geword. Jy doen net wat mense sê en volg nie die pad wat God vir jou beplan nie. Gee dit vir Hom, laat Hy daai dele van jou lewe uitsny en jou eerder 'n reënboog welkom mat maak. Laat Hom toe om jou lewe te gebruik om ander welkom te laat voel in Sy liefde.                                                                                                       |
| <b>Jawbreaker</b>       | Miskien is jy iemand wat vinnig dink en praat en baie keer mense seermaak met wat jy sê. Laat Jesus toe om jou harde kop en harde hart uit te sny en vir jou 'n harklop soos Syne te gee.                                                                                                                                                                                                                       |
| <b>Taai toffie</b>      | Miskien haak jou kop vas soos 'n taai toffie in jou mond omdat jy heeltyd dink oor iets waaroor jy skuldig voel. Jy voel soos 'n fout. Vriend, God maak nie foute nie. Hy neem jou foute weg, sny dit af en gee 'n nuwe begin. Wil jy nie vandag vir Hom vra om dit vir jou te doen nie?                                                                                                                        |
| <b>Spookasem</b>        | Miskien is jy 'n grootprater. Jy belowe baie dinge en as mense op jou wil staatmaak is jy weg. Vriende, deel dit met Jesus, laat Hom toe om dit uit jou lewe te sny en vir jou 'n lewe in oorvloed te gee.                                                                                                                                                                                                      |

## Aktiwiteit 2 - Word gesond by Jesus

**Sê die volgende in jou eie woorde:** Gebruik spesiale tyd om te kyk na jou lewe. Is daar dinge wat jy al gedoen het wat hard in jou hart geword het soos daai suikerstrooitjie se punte? Keer dit jou miskien om regtig te voel of jy 'n kind van Jesus is en maklik Sy liefde uitdeel vir ander? Laat Jesus toe om daardie dinge uit jou lewe te sny en jou gesond te maak daarvan. Jesus het reeds die prys betaal om vir jou 'n lewe te kan gee waar jy nie harde sonde in jou hart voel rond te dra nie. Jou sonde is juis wat vir Jesus aan die kruis gehou het uit Sy groot liefde vir jou. 1 Petrus 2:24 leer vir ons dat ons juis gesond sal word van sonde deur die wonde van ons Jesus. Glo jy dit regtig? Het jy al jou "dinge" voor Sy voete kom sit en Hom toegelaat om die sondeseëls uit jou lewe te sny?

### Aktiwiteit:

1. Skep 'n omgewing waar kinders nou tyd kan vat om te dink oor die verskillende lesse uit Kouland.
2. Kinders gaan dan die punte van hul suikerstrooitjies vasplak aan die kruis op hul aktiwiteitsvel met kleeflint. Dit is om voor te stel dat hulle die dinge wat hulle oor gedink het vir Jesus gee.
3. Gebruik die blinkers en inkleurkryte om die kruise te versier.

### **Gesels oor die volgende dinge wanneer almal klaar is:**

1. Waarom is dit so moeilik vir mense om hulle foute vir Jesus te gee?
2. Wat doen mense om van hulle foute te vergeet?
3. Wat kan ons doen sodat Jesus ons foute sal wegvat?  
(NIKS – Jesus het dit REEDS gedoen uit Sy liefde vir ons. Ons moet dit wat Hy vir ons gedoen het net aanvaar en vat vir ons. Amper soos 'n geskenk wat ons kry. Ons moet kies om dit te vat en regtig te glo.)
4. Wat kan ons doen om dankie te sê vir dit wat Jesus gedoen het?  
(Gaan leef SY liefde uit. Gaan deel dit met ander mense wat nog met harde sonde in hulle harte loop)
5. Wat is die een les uit Kouland wat jy die beste sal onthou?
6. Hoe kan jy 'n suikerstrooitjie gebruik om iemand te help wat vashou aan foute en sonde wat hy gedoen het?

Ons kan so maklik in ons eie pad staan, om met ons foute en ons sonde na ons Here te gaan.


Meer verstop as 'n die suikerstrooitjie kante, neem ons ons lewe in ons eie hande.

Liewe vriend, word eers stil en raak diep bewus, van hoe lief die Here Jesus dan vir jou is.

Aan die kruis het Hy betaal vir elkeen van jou sonde, Hy bring genesing vir jou deur Sy wonde.

Geen spyker kon Jesus aan daai kruis vashou, dit was eerder Sy groot liefde vir my en vir jou!

So kom met jou foute, laat Hy dit van jou af sny, sodat jy die ewige lewe deur Hom kan kry!



Hy het self ons sondes in sy liggaam aan die kruis gedra. Daardeur is ons vir die sondes dood en kan ons lewe in gehoorsaamheid aan die wil van God. Deur sy wonde is julle genees. - 1 Petrus 2:24





## Kouland 2 : Familie Studie

### Dierbare Koubouters Skatte!

So kom ons aan die einde van ons Kouland avonture. Baie dankie dat julle saam met ons op hierdie reis was. Mag jy altyd kies om jou gewoontes en foute mooi dop te hou, sodat jy dit vir Jesus kan gee wanneer dit jou hart begin hart maak. Jy kan nou vir oulaas vir jou mense die belangrike geloofsles van vandag gaan leer.

### Koubouter Koukis:

1. Deel vir elke kind 'n suikerstrooitjie uit. **Sê die volgende in jou eie woorde:** Wat keer dat die suiker binne-in hierdie strooitjie geëet kan word? Hoe kan 'n mens hierdie seëltjies wegkry om die suiker uit te kry?
2. Sny die seël van die strooitjie af. **Sê die volgende in jou eie woorde:** Baie keer gebeur dit dat mense se foute ook soos hierdie seëltjies raak wat aan al twee kante van die strooitjie is. Ons sonde en foute maak ons harte hard. Dit keer ons om Jesus se liefde in ons lewe raak te sien EN dit keer ons om Jesus se liefde te gaan uitdeel vir ander. Amper soos wat hier die suiker in of uit die strooitjie kan gaan nie met die seël wat keer nie. Die enigste manier om hierdie seël weg te kry is om dit af te sny. As sonde ook soos hierdie harde seëls is, moet daar seker ook 'n manier wees om ons sonde uit ons lewe te kry. Kom ons gaan lees die raad wat 1Petrus 2:24 gee.

### Gaan lees 1 Petrus 2:24

3. **Sê in jou eie woorde:** In hierdie stukkies lees ons dat Jesus ons sonde, ons foute, hierdie klipharde sonde seëls op Sy eie lyf gedra het aan die kruis. Kom julle agter dat ons sonde eintlik die spykers was wat Hom aan die kruis vasgehou het en dat Hy daar gebly het omdat Hy lief was vir ons. Hy wou graag hê dat ons 'n lewe moet kan leef waar ons sonde ons nie kan keer om Sy liefde in ons lewe te kry en te kan uitdeel nie. Kom julle agter dat hierdie stukkies nie sê dat Jesus dit nog sal dra nie. Nee Hy het dit KLAAR gedra. Hy het KLAAR betaal vir jou sonde.
4. **Sê in jou eie woorde:** In Kouland het ons geleer dat 'n mens moet dophou as jy lekkergoed eet. Te veel lekkergoed kan maklik maak dat jy suikersnuffels kry. So tipe iets gebeur ook met jou, as jy so styf aan jou gewoontes, sondes, foute of verlede vashou. Vandag vier ons dat ons nie ingeseël hoef te bly tussen hierdie foute en sonde nie. Jesus het dit moontlik gemaak dat daardie dinge uit ons lewens gesny kan word.

Deur Sy woude het ons werklik genesing ontvang. Mag niks ons ooit weer blok of keer om hierdie soet boodskap te gaan deel in 'n wêreld wat ingeseël is in sonde nie!

**Kom ons gesels bietjie oor al die lesse wat ons in Kouland geleer het:**

1. Gaan saam deur die aktiwiteitsvel waarop al die lesse uit Kouland opgesom is. Watter van hierdie dinge het jy al in jou lewe ervaar? Deel dit met mekaar.
2. Bid saam oor die dinge wat jou hart miskien al hart gemaak het. Vra vir Jesus om dit uit julle lewens te sny
3. Dink aan maniere hoe julle vir die res van die familie hierdie belangrike geloofsles kan leer.

**Gesels ook oor die volgende:**

7. Waarom is dit so moeilik vir mense om hulle foute vir Jesus te gee?
8. Wat doen mense om van hulle foute te vergeet?
9. Wat kan ons doen sodat Jesus ons foute sal wegvat?  
(NIKS – Jesus het dit REEDS gedoen uit Sy liefde vir ons. Ons moet dit wat Hy vir ons gedoen het net aanvaar en vat vir ons. Amper soos 'n geskenk wat ons kry. Ons moet kies om dit te vat en regtig te glo.)
10. Wat kan ons doen om dankie te sê vir dit wat Jesus gedoen het?  
(Gaan leef SY liefde uit. Gaan deel dit met ander mense wat nog met harde sonde in hulle harte loop)
11. Wat is die een les uit Kouland wat jy die beste sal onthou?
12. Hoe kan jy 'n suikerstrooitjie gebruik om iemand te help wat vashou aan foute en sonde wat hy gedoen het?



Dankie, vir julle saamleer vandag. Fluit-fluit ons kuier is uit, gaan versprei nou hierdie geloofsles vêr en wyd!

Skryf iemand se naam neer met wie jy hierdie boodskap gaan deel: .....